



Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCCCCX. ad annum MLXXIII.

Parisiis, 1644

Epistola VI. Leonis Papae IX. Ad Michaelem Constantinopolitanvm
Archiepiscopvm. Gratulatur ei, quod Graecos Latinis conciliare studeret.
Arguit eum, tum quod patriarchas Alexandrinum & Antiochenum ...

urn:nbn:de:hbz:466:1-15625

EPISTOLA VI.

LEONIS PAPÆ IX.

AD MICHAELEM CONSTANTINOPOLITANVM
ARCHIEPISCOPVM.

Gratulatur ei, quod Græcos Latinis conciliare studeret.

Arguit eum, tum quod patriarchas Alexandrinum & Antiochenum suæ potestati subiicere conaretur, tum quod vniuersalis patriarchæ nomen sibi usurparet, & Romanam ecclesiam, quæ in azymis sanctum eucharistia sacram conficiat, damnaret. Probat Christum in azymo consecrasse.

Leo episcopus seruus seruorum Dei dilecto confratri Michaeli Constantinopolitano archiepiscopo.

SCRIPTA tuæ honorandæ fraternitatis tandem ad nos peruererunt, in quibus ad maxime necessarium, omnibusque Christi fidelibus amplectendum bonum concordia & vnitatis exhortari studes: quatenus post nimium longas & pernicioſas discordias, filia ex propriæ matris reconciliatione exultet. Ad quod vtique te prouocant & præmonentem tanto promptius auscultare cupimus, quanto vigilantius animaduertimus hanc solam esse propriam & specialem virtutem piorum atque sanctorum: cum ceteræ virtutes bonis & malis esse possint communes, Domino sic præmonstrante: *In hoc cognoscet omnes quia mei estis discipuli, si dilectionem habueritis adiuicem.* Et deiloquo Paulo protestante: *Pacem sequimini cum omnibus, & sanctorum, sine qua nemo videbit Deum.* Vnde plurimum tuæ fraternitati congratulamur in Domino, quoniam summum desiderium nostrum tua industria anticipasti: quod vtique si aliquo frigore caritatis pigritarēs exequi, nostra debueras solertia præueniri: nos enim, iuxta præfatum Apostolum, si fieri potest, cum omnibus hominibus pacem habere peroptamus, quanto magis ergo tecum, quem videmus ecclesiæ Dei valde vtilem & necessarium posse fore ministrum, si non transgredi laboraueris terminos quos patres nostri posuerunt? Et quia Christianæ perfectionis est pacificum esse, etiam cum inimicis

Concil. Tom. 25.

Nnn

Caritas vir-
tus propria
sanctorum.

Ioan. 13.

Hebr. 12.

Rom. 12.

pacis, spe correctionis, non consensu malignitatis, tanto sollicitius debemus omnes occasiones scandalorum de medio tollere, quanto tenacius optamus pacis amicos retinere. Plurima autem ex tua fraternitate intolerabilia rumor iam diu pertulit ad aures nostras, quæ nos partim, quia incredibilia videbantur, partim, quia nulla facultas inquirendi talia concedebatur, indiscussa hucusque reliquimus. Denique diceris neophytus, & non gradatim pro siluisse ad episcopale fastigium, quod nullatenus esse faciendum &

1. Tim. 3. Apostolus edocet, & venerabiles Canones interdicunt. Hinc noua ambitione Alexandrinum & Antiochenum patriarchas, antiquis suæ dignitatis priuilegiis priuare contendens, contra omne fas & ius tuo dominio subiugare conarisi. Quod quanto tuo periculo tentes, omnibus sanx mentis patet; quandoquidem vana gloria & pompa seculari elatus, consilium diuinitatis antiquum super stabiliamento columnarum suæ ecclesiæ * contendis, quasi ex falacibus diuitiis præiudicium facturus illi, qui cum vere & singulariter diues esset, pauper pro nobis factus, de legit suæ temporali nativitati opidulum, & speluncæ diuersorum, non quodlibet regum palatum. Cuius exempla quisquis horret, ad sortem illius pertinet, qui tunc per se, nunc autem per suos satellites, dicere audet: *Ascendam super altitudinem nubium, similis ero Altissimo. Sed non cogitationes meæ, cogitationes vestræ: neque viæ meæ, viæ vestræ, dicit Dominus:* qui dispergit superbos in furore suo, & respiciens omnem arrogantem humiliat, & exurgit ut non præualeat homo, in cuius conspectu non est Deus. Ne enim superbia propter altitudinem suam se coniunctam putaret Deo, dicit Psalmista: *Alta a longe cognoscit excelsus Dominus.* Vnde per se metipsum testatur: *Quod altum est hominibus, abominabile est apud Deum.* Qualis vero & quam detestabilis atque lamentabilis est illa sacrilega usurpatio, qua te vniuersalem patriarcham iactas vbique & scripto & verbo, cum omnis Dei amicus huiusmodi haec tenus horruerit honrarri vocabulo? Et quis post Christum conuenientius posset insigniri hoc vocabulo, quam cui dicitur diuina vocce: *Tu es Petrus, & super hanc petram ædificabo ecclesiam meam,* &c. Verumtamen quia ille non inuenitur vniuersalis apostolus dictus, quamuis princeps apostolorum sit con-

I. ad. 14.

I. ad. 55.

Psal. 137.

Luc. 16.

Matth. 16.

Hic deß
mutare
aut ali-
quid inß
medi.

stitutus, nullus successorum eius tam prodigioso prænominie consensit appellari penitus, licet magno Leoni prædecessori nostro, & successoribus ipsius, hoc sancta decreuerit Calchedonensis Synodus. Nempe animaduertebant non esse amicum sponsi, qui pro sponso vellet amari: quin potius paronymphum & lenonem antichristi, qui aduersatur & extollitur super omne quod dicitur Deus, aut quod colitur. Ecce ille Ioannes vester, cuius vesanæ adinventionis adhuc heredes permanetis, qui, secundum Psal-^{Psal. 43.}
 mistam, per vos adhuc vocat nomina sua in terris suis, cum interiit non sumpsit omnia, neque descendit cum eo gloria eius ad infernum: quia cum in honore esset, non intellexit. Ipse a beatissimis pontificibus Pelagio & Gregorio successoribusque eorum pro hac insolentia anathematizatus, in sua pertinacia irreuocabilis periit, iamque per quadraginta & quadragecentos annos suæ contumaciæ se-
 quaces præcipitare non cessauit. Quibus quid profuit superbia, & diuitiarum iactantia quid contulit? Transferunt ^{Sap. 5.}
omnia velut umbra. Quid denique prodest homini, si totum mun- ^{Matth. 16.}
dum lucretur, animæ vero suæ detrimentum patiatur? Et quomo-
 do animas pro fratribus habetis ponere, qui inane no-
 men, & vniuersam ecclesiam scandalizans, dignamini deponere? Resipisce ergo (rogamus) ab hac infania, ne illius consors tu quoque, quod absit, fias, de quo dici-
 tur: *Omne sublime videt, & ipse est rex super uniuersos filios* ^{Iob 41.}
superbiae. Illud autem quis non stupeat, quod post tot sanctos & orthodoxos patres, per mille & viginti a pas-
 sione Salvatoris annos, nouus calumniator ecclesiæ Latinorum emersisti, anathematizans omnes, & publicam persecutionem excitans, quicumque participarentur sa-
 cramentorum ex azymis? Quam præsumptionem tuam & fama nobis obtulit, & literarum sub nomine tuo ad Apulos datarum textus manifestauit, quæ violenter adstruere conantur fermentatum panem fuisse, quo Dominus apostolis suis corporis sui mysterium in cœna commendauit. Quod omnino falsum esse ex vtroque testa-
 mento facillime deprehenditur: quia qui non venerat soluere legem, sed adimplere, iuxta ipsius legis præceptum, ex azymis & vino vetus pascha adimpleuit, & protinus ex azymis & vino nouum, sicut aperte Lucas narrat, disci-

Pelagius II.
epistola 1.
Sanctus
Gregorius
epistolarum
lib. 6. epist.
4. & libro
7. epist. 30.

Concil. Tom. 25.

Nnn ij

Exod. 12.

pulis tradidit. Neque enim totis octo diebus illis fermentatum apparebat in omnibus finibus Israel, & apud quemcumque inueniebatur, peribat anima eius de populo suo. Quod si in cœna Domini Iesu apparuisset, aut ipse seu discipuli eius quoquo modo gustassent, iuste sicut præuatoriatores legis perirent, nec ipse Dominus diceret suis insidiatoribus : *Quis ex vobis arguet me de peccato?* Nec esset opus falsos testes ad perdendum eum quærere, cum hoc solo perderetur iuste. Sed qui peccatum non fecit, nec inuentus est dolus in ore eius, quod passurus discipulis mandauit, euidenter per Apostolum, in quo loquebatur, com-memorans, inquit : *Epilemur, non in fermento veteri, neque in fermento malitiae & nequitiae, sed in æzymis sinceritatis & veritatis. Denique modicum fermentum totam massam corrumpit.* Vbi-cumque autem corruptio, ibi procul dubio naturæ dete-rioratio, & alicuius vitii suscep-tio.

*Joan. 8.**2. Pet. 2.**2. Cor. 13.**1. Cor. 5.**Matth. 12.**J. Reg. 19.*

Porro nostrum pascha ideo nouum dicitur, quia illud vetus præceptum est Israelitis in memoriam suæ egressio-nis ex Ægypto : istud vero Christianis in memoriam do-minicæ passionis, qua ad Patrem transiuit ex hoc mundo. Sed quia tam de his, quam de aliis, quibus nos calumniaris, latius a nostris nuntiis per alia scripta nostra, quæ deferunt, instrueris ; hic breuiter attigisse fit satis. Discat autem fra-ternitas tua saltem admonita caute & humiliter loqui, ne aliquando Dominus dicat & tibi : *Ex abundantia cordis os loquitur.* Scripsisti siquidem nobis, quoniam si vna ec-clesia Romana per nos haberet nomen tuum, omnes ec-clesiae in toto orbe terrarum haberent per te nomen no-strum. *Quid hoc monstri est, frater carissime ? Romana ecclesia, caput & mater ecclesiarum, membra & filias non habet ? Et quomodo potest dici caput aut mater ? Credi-mus enim propter quod & loquimur atque constanter profitemur : Romana ecclesia adeo non est sola, vel, sic-ut tu putas, vna, vt in toto orbe terrarum quæcumque natio dissentit superbe ab ea, non sit iam dicenda vel habenda ecclesia aliqua, sed omnino nulla : quin potius Conciliabulum hæreticorum, aut Conuenticulum schi-smaticorum, & synagoga satanae. Videris dicere illud sancti Eliæ, tunc præfumentis de se : *Relictus sum ego solus.* Sed audi quid ille audiuit a Domino : *Reliqui mihi septem millia virorū.**

Quiesce, quiesce iam, venerabilis frater, ab his superstitiōnibus, ne illud Salomonis in te dicatur: *Sunt qui se diuītes Pro. 13.*
affeſtant, nihil habentes. Simillimum nempe hoc est diabolice arrogantiæ, qui regna mundi a Conditore omnium facta putans sua esse, dixit illi: *Hæc omnia tibi dabo.* Igitur *Matth. 4.*
 hinc iam ad cor redeatur, & tam perniciosa scandala de medio tollantur, & tunc, secundum Psalmistam, *Loquetur Psal. 84.*
Dominus pacem in plebem suam, & super sanctos suos, & in eos
qui conuertuntur ad cor. Nam nos cum pertinacibus & in errore suo permanentibus pacem aliquam habere non possumus, ne operibus malignis communicemus: quia nec Dominum Christum alicubi talia fecisse inuenimus: cum etiam in natuitate ipsius angelii pacem annuntiauerunt solummodo bona voluntatis hominibus. Qui etiam oculum scandalizantem eruendum, manum vel pedem scandalizantes abscindendos insinuat.

Cessent ergo hæreses & schismata, & diligentibus legem Dei iam non erit scandalum, sed pax multa. Qui cumque gloriatur Christiano nomine, ccesset Romanam sanctam & apostolicam ecclesiam maledicere & lacesse: quia frustra patremfamilias honorat, quisquis eius vxorem exhonoret. Et frustra matrisfamilias caput & faciem magnificat, qui minimos filiorum eius impugnans, tamquam digitos pedum illius conculcat. Vnde in Ecclesiastico dicitur: *Quam malæ est famæ qui fugit patrem: & Eccles. 3.*
est maledictus a Deo qui exasperat matrem. Et in Proverbiis: *Oculum qui subsannat patrem, & despicit matrem, effodiant eum Pro. 30.*
corni de torrentibus, & comedant eum filii aquilæ. Confidimus tamen ex diuina pietate, quod ab his innoxius aut correctus inuenieris, aut certe admonitus cito corrigeris. Quod dum fuerit effectum, pax nostra iam ad nos non reuertetur, sed super te requiescat, ceu super pacis filium: & regnabit inter nos germana caritas, de corde puro & conscientia bona, & fide non ficta: nec neceſſe habebis nobis supplicare, sed iubere. Super hæc, sicut cœpisti, collabora, vt duo maxima regna connectantur pace optata. Orantem pro nobis tuam honorabilem fraternitatem sancta Trinitas in perpetuum conseruet. Data mensa Ianuario, indictione VII.